

德平縣續志卷之六

人物志

德平人物始於漢盛於明而清初猶有著者前志已詳之矣及清末葉負盛名而立事功者殆乏其選但行孚輿論誼篤經天不必有赫赫之功而忠孝節義所表見亦足以矯末俗而型後世潛德幽光又烏可湮沒不彰哉作人物志

行誼

徐振強字健亭邑庠生縣北徐家莊人學識超卓性情慈祥因城北一帶常患積潦土地不毛爰於咸豐八年夏約請附近各村首事人等倡議開鑿溝渠南起城垣之外蜿蜒

德平縣志

卷六 人物

一

天成謙記南紙店代印
濟南城內芙蓉街路西

北下約十數里引平地之水以達馬頰河其始也鄉民以工程浩大不無難色嗣經剴切開導一意贊同各村同心協力不數月而溝渠成積潦退斥鹵希而沃野見矣迄今鄉民感念不置云

張若拙字巧卿邑西北陳家寨人性慨慷見義勇爲同治七年捻匪之亂若拙首率村衆倡修本村圍寨周七百丈保護一方民命得以生全子振甲邑庠生亦綽有父風

郭英才字育堂邑北滿家莊人幼從文學壯年諫習弓矢得武庠生文雅淵博樂善好施咸豐末年歲大飢見陳家寨等莊婦孺啼號慘不忍睹急回家視之倉無儲粟惟有豆

子六十七石盡數運去施散各莊賴以全活者百數十人
邑令以每多善舉保荐鄉飲大賓卒年八十六歲

黨殿一字貫之世居縣西南鄉前黨家莊爲人愷惻慈祥樂
善好施當清同光間經商北京鄉人旅京貧困者乞於門
莫不接濟在京數十年先後施金竟達三千餘兩澤及鄉
閭頌聲載道迨還鄉里自甘淡泊每與其子東峯談及往
事所有借貸之人無力償還慨然將積摺付之一炬更囑
其無告於人意在防止子孫與人發生糾紛並隱藏其個
人之義行也

陳殿勳字翰卿武庠生陳家寨人性豪爽膽量過人見義必

德平縣志

卷六

人物

二

天成謙記南紙店代印
濟南城內芙蓉街路西

爲清同治年間捻匪至籌辦團防禦匪一方賴以安堵邑
令周士瀚申請得賜守備銜光緒十六年田家堰潰決次
年同閻汝霖郭大中等重修堤數十里至今堅固尙存又
於光緒二十一年請求邑令凌錫祺申上革去折色耗米
正米勺合分明垂碑立石邑人德之故當道旌其門曰公
正廉明

趙旭亭字曉樓性孝友父老患癩症朝夕奉事不離左右六
年無少懈胞姊適朱姓家貧米粟供給不虛時日忽遭沈
疴迎歸奉之如事慈親大有李勣焚鬚之誼清同治年間
捻匪北擾首出鉅資築堡以守鄰近村莊賴以保全者數

千人

郭福盛字九如清授文林郎邑北滿家莊人性至孝母張氏晚年得癩疾日侍湯藥弗敢遠離二十年如一日又急公好義樂施與邑中修文廟關帝廟白麟書院等先後捐銀數百兩迄今有碑碣垂世清同治二年捻匪作亂因助兵餉得敘七品職銜卒年七十六歲

李涵雅字文山邑庠生爲優廩生東白之嗣子嗜讀博覽敦品勵行克承先志親病躬侍湯藥無遽色事母亦能得其歡心善處鄉里排難解紛終其世無訟獄光緒二十六年義和團盛行獨以邪說滋擾力戒村民無一人者後卒免

德平縣志

卷六 人物

三

天成謙記南紙店代印
濟南城內芙蓉街路西

其害清末奉令辦鄉團一方賴以安堵民初選充鄉議會議長勸設小學提倡剪髮尤著勤勞民國八年地方荒歉各處貧民搶糧之風甚熾村民數十亦相率思動經涵雅陳說利害始免擾攘倡修圍寨督飭防守得脫匪患鄉里至今稱之

李振垣字環宮例貢生家道素豐好施捨每逢公益多有捐助光緒初年施種牛痘自備痘漿並以食物給種痘兒不受饋贈遠近稱之十六年黃河決口馬頰氾濫沿河居民惶恐萬狀振垣督率村衆急於堵截懷鎮一帶得慶安瀾二十六年拳匪變亂組織鄉團以防匪患地方安堵

李象萃字奎五天性正直慷慨好義凡里中公益之事皆勇爲之光緒二十五年村西有池塘一所招集里人植藕未及二載頗得利益以之補助公項或辦理教育對於桑梓義務可謂熱心者矣

呂藍田字仙橋邑之歲貢生也性至孝侍母起居日必躬親好讀書志趨遠大見清末士習日壞徒務虛名食餽後遂設帳于鄉購集中外時務書專心致志研究實用來學者踵接于門多有成就晚年益精歧黃業尤擅長婦科四方求診無不應手奏效並不索酬嘗推此旨諭諸兒曰汝曹各就相當職業爲社會盡一分責任爲同胞造一分福利

父願足矣切勿積儲金錢貪致富有作社會經濟之障礙與其藏之以禍己不若散之以濟人其明達有如此者

郭煜文字質齋武庠生善騎射能開十二石弓平生最好禮賢敬士興辦學校親自督課每值春間勸人種樹養蠶光緒二十九年創辦林業植樹千餘株邑令徐鋆親書培植一方匾額獎勵卒年八十四歲

呂耀翼原名鑫字金生原籍江蘇武進寄籍德平以幕職議敘鹽大使繼於河工案內保舉知縣民國七年西關街興辦學校無相當房舍耀翼慨捐京錢五百緡在白衣菴營建校舍街人以惠及後生四字頌之匾額尚存

徐墨海字崑隅性純篤志伉爽質直好義不吝施予幼失怙事母以孝著撫兩弱弟友愛踰於尋常二弟雲溪邑庠生不幸早故家道衰落率同三弟春濤赴黑省經商開鄉民涉遠貿易之先聲聞名往投者無不解衣推食設法安置民國八九年間地方旱蝗頻仍各處乞賑墨海聞之奔走呼援募集賑款匯縣取得收據在彼購買德平義地尤爲首倡辦理咸敬重之

武憲章字端甫清宣統歲貢爲人剛直守正不阿孝行尤篤父患病惡聞雜聲憲章敦懇村鄰數月無喧嘩者親賴以安母病許願終身不食牛脯教授生徒以明倫爲先及門

桃李率能恭謹自持其他懿行俱爲鄉里所矜式民國十二年住村王家寨被匪所屠以直指賊之罪惡而被害士林聞耗同深哀悼教育局長趙淄川曾爲呈請褒揚有案談曙霞邑廩生捻匪之亂會同本地紳董倡修尙家莊寨救人無算延至民國十四年土匪猖獗後人重加修補因避匪患遷移寨內者恆絡繹不絕追念前功鄉人誦之王思顏字子淵善爲人排難解紛遇有鄉里爭端常犧牲個人以謀雙方安全戚里感受其惠者甚衆又隸莊修三關廟工費甚鉅慨然施地十二畝以竟其工其急公好義有如此者官廳旌題齒德匾額可以風矣

弭向榮字華甫號葵圃邑之老名宿也少勤學恥不如人常夜起潛讀必晝課默熟始就睡遊庠後授經於外教生徒以敦孝弟慎取與爲先數歲因父母年高移館家居四方來學者甚衆問視之餘與及門講解循循不倦母年八十三偶染咳喘症時向榮方患臂痛忍疾侍養不敢令母知母卒事父彌謹食寢必躬親照料并自臥於父旁謂季弟曰得常如是福莫大焉父壽八十六歲向榮年六十三猶哭泣如孺子慕哀毀極深形體骨立越二歲亦卒弟子以文貞二字謚之

李永泰字魯瞻邑廩生性孝友居喪哀毀體瘠廬墓三載情篤友愛兄弟終身不析居平時於課讀生徒外對數學極有研究惜家庭流離算草一皆無存

明雲從字現龍邑北後明家莊人平生急公樂善其村北馬家橋橋基頽塌交通困難雲從發起興修惟以工程浩大需款甚多終年率兒輩外出募化於是若大工程不數年而成功往來行旅稱便遠近莫不感頌

徐蔭鎬字繼武邑北徐家莊人性情豁達持正論善談說處事疏財仗義鄉中無論男女老幼莫不悅服每戚黨有糾紛事蔭鎬一至談笑立解其化爭息訟之功有足多者尤善丹青所繪人物山水皆清致超逸人得其片紙隻幅無

不珍如拱璧云

徐蔭周字董原邑北徐家莊人庚戌恩貢生也性篤孝友學問以實踐爲本痛清末士習日壞知非改良教育不足以救濟故設帳授生徒者三十餘年每於解經說詩之餘喻以革故鼎新之義學者宗之民國肇造凡及門弟子與族黨青年多所成就又精岐黃晚年懸壺里門時值疾疫大作輒提囊出診著手成春而藥值有無未嘗計及人以爲有韓康之遺風焉

毛先智字慧卿邑北毛家莊人性耿直九歲喪母事父與繼母至孝二十三歲喪父其父臨終時頗以其兩異母弟不

能自立爲憂當慰其父云此後我弟兄三人不過三十年而分居誓不爲人時值二弟十一歲三弟七齡教養周到率弟事母苦度貧日勤慎自勵儉樸自持至興家後果同居三十年兄弟妯娌均無間言他如治家有道教子有方足爲世風者尤多

王汝富字錫三邑東小于家人幼失恃怙受繼母扶養成人居曲盡孝道性善結納多與文人爲友士林重之尤善家庭教育育子孫成名壽七十餘歲清賜鄉飲耆賓

于風調善醫術鄉黨有疾者自行投診貧者服藥概不索值嘗慨然以濟世自負至於排難解紛尤其特長以故莊中

三十餘年無訟事歿後鄉人祭之曰風調先生

朱世德字海秋豁達大度家素封鄉黨有爭鬪者被邀處說
慨然墊歛息爭永不索還嘗訓子延禎曰在市場繁華之
區遇有與吾相識者無以其貧而不禮勿俟他人接談汝
必先行問候其富而好禮爲一方所稱許歿後邑令阮忠
模爲之題旌

王宗古熱心公益墊歛修橋事先購集葦石木料數年備足
始商諸五街首事倡言重修范家橋一致贊助親自監工
不久落成橋梁至今堅固行人稱便

李泮林字芹香城西南徐理環家莊人清舉鄉飲大賓爲人

忠孝正直識見超卓有古丈夫風鄉里有爭鬪者輒爲之
和解有興訟者輒勸之罷息每遇年歲飢饉或青黃不接
之時則開倉廩以賑濟困乏無吝色自奉甚儉視家人有
一善行則喜形於色如或出一惡言則責之不少貸有子
六人皆能自立鄰里鄉黨聞其風沐其德賴以感化向善
及受惠免於凍餒者不可勝數流風餘韻至今稱之

李福林字壽山清鄉飲耆賓性和勤讀弱冠喪父上事孀母
克盡其孝下育幼弟克養其才敦睦鄰里賙恤族黨又創
立義學熱心教育故村中子弟多識字者

王風榮字華軒邑庠生緘默寡言事繼母婉孝每飯必親自

侍奉母老目盲親爲洗脚梳髮母歿每日必到墓間省視終其身未嘗或間里人賢之

徐建文爲人忠厚地鄰某賣地因不足契約之畝數勢將與買主起爭端建文竟將桑界移至自己地中讓地一尺有餘至今後人仍完其空糧鄉人稱頌不置云

武法祥少孤事繼母李氏頗得其歡心事兄極友敬有溫公之遺風見里中有爭鬪者輒曲爲勸解不辭勞瘁至事息乃止里人德之

郭長峩邑之西關人本生父象霈出嗣象菊又叔祖元度室亦無子嗣併由長峩兼祧承嗣時值兩房家景中落嗣母

周氏嗣祖母弭氏均係孀居而長峩一身侍奉其間不第定省之禮無缺且勤儉操持兩房業務賴以不墜頗得歡心因之操勞過度五十四歲而歿

郭長端字子方邑之西關人天性孝友志慮純潔母臥病湯藥親嘗衣不解帶者累月在本街以教授生徒爲業修金之豐歎不計焉講解透澈紀律特嚴因之從遊者日衆爲一方信仰鄉鄰瑣細之事率多不忍使知既知之事無大小至則談笑立解先事服人有如此者

閻壽椿字仙根恩洽之嗣子也天資敏捷讀書務得其要博覽羣籍輒記誦不忘少年應試弗售又以母藺孺人年邁

遂絕意進取閉門家居養親爲事承顏怡志未嘗一日離性端介寡交游然每與同志者談理要輒娓娓無倦詞如泉湧聞者無不敬其淵博以母喪哀毀致疾卒年四十八歲

高麟臺字蓮墀清廩生天性醇篤表裏如一爲學刻苦自勵凡經史子集幾乎無所不讀故其爲文理精詞卓疏宕而有奇氣內行尤篤老母病痢潛澣袴襦棄養後克盡孝思此後事父彌篤兄嫂間竭誠恭謹對姪輩教養兼至愛之如己出惜年不償德三十八歲竟歿士林惜之

馬景嵐字曉山性情嚴厲言笑不苟治家勤儉而輕財好施爲人排難解紛無不中心服悅鄰里宗族咸稱頌之

王靜軒字仁山性好學至老不輟年未半百即貢成均教授生徒有年以實踐爲主故從公遊者獲益良多

張存靜字子安父早逝事母至孝善導諸弟使各盡所長性剛毅豪爽處閭里排難解紛恆抑強扶弱遇爭訟委曲勸解輒息事寧人救災恤苦倡辦公益其疏財仗義尤爲人所稱許

田鍾貴邑西田家莊人由高等小學畢業後遵母命外出辦理慈善事時值荒亂母被匪架鍾貴聞信速歸親赴匪巢哀懇匪首願以身代母其母得歸鍾貴死之時年三十三

歲

田鍾俊邑西田家大莊人縣立乙種農業學校之肄業生也於民國十三年癸月二十日家中突遭匪災其父紹烈兄鍾靈均被執鍾俊從容謂匪曰爾所以執吾父兄者以錢財不能立辦故以吾父兄爲質耳乞解放吾父兄願以身代賊從其言虜之去卒被害時年二十歲

孔憲紀字友堂爲人性純篤伯母病重奉侍湯藥未嘗少懈捐資興學熱心教育又善岐黃救世活人不事財利歿後公送匾額以望重鄉里四字旌之

厚大謀字鴻猷幼讀詩書長理家政孝親敬兄輕財重義扶孤濟貧鄉里德之子昌齡性至孝待人忠厚頗能紹述先業

孔傳禮字嘉會生而穎異年十八歲補博士弟子遂以冠軍食餼敦學勵行器宇深沈邑人士咸以遠到相期許未幾以疾卒士林惜之德邑侯表其墓妻孫孺人冰節自矢教子及孫咸克成立其刑于閭內者至矣

邴采芹字泮池鄉飲耆賓以孝友起家秉性公正品行端方存儲積穀異常盡心凡公益善舉無不任勞任怨對於鄉里親族以及行旅乏資斧者尤能慷慨相助無吝色不望報凡對人民有不利者輒力爭罷免士林甚敬重之德邑

侯賜匾額曰德譽望重

閻常留字松齡邑廩生家世書香蔚爲鄉望當嘉慶四年漕務積弊太深有楊禱者聚衆要脅抗不完納邑令葉某以常留爲鄉望所歸請其勸導乃約會鄉里首倡完納楊禱方面亦請其入署求完常數而時間過久彼等急不暇待蜂擁而進葉令遂被害事變後楊禱一去無蹤縣民四散逃逸惟常留家居坦然上憲委查伊以個人犧牲救免全縣塗炭其義氣有足多者

文學

孔憲達字用儀又字雲坡清同治庚午科副貢性狷介寡言

德平縣志

卷六

人物

一一

天成謙記南紙店代印
濟南城內芙蓉街路西

笑丰采雖曰嚴厲意氣多主和平尋常不言人是非大抵苛於繩已而恕以待人雖名不稱於當時文不合於有司每當烏啼月落几淨窗明依然抱膝長吟有知己無緣今世幸訂交偏得古人多之句雖屬自嘲亦可謂實錄云

王炳輝字星垣光緒甲午科舉人學識宏通教授勤慎一時從公遊者多知名之士著有九河故蹟考德平鄉土志今均散佚

李敬修字吟舫清光緒丙子舉人性淡泊不營仕進以教育人才爲己任講學於歷下從其學者盡成端士著有望雲吟稿詩鈔藏於家

李敬身字醒吾清同治癸酉拔貢舉人工詞賦善書法性最孝友制行端方言笑不苟家褊貧與昆季鍵戶讀書不改其樂甲戌赴春官試以疾卒於京寓時年三十士林惜之李敬熙字文止清光緒乙酉拔貢辛卯舉人幼穎異讀書冠儕輩家貧事親以孝聞而砥礪德行刻苦工讀尤邑里所盛稱既舉孝廉司鐸鉅野禹城成就士子獨多旋董本縣書院事值修邑乘任總纂於考証則鉤隱探幽於傳志則秉正不阿書成頗爲學林所重嗣主講禹城書院以積勞致疾卒

李裕方字東白清廩生邑南茄子李家莊人歲貢生蘭坡之

次子也嚴正質直生平無妄言承家學爲文深刻工書法尤嗜古詩文詞士林慕之光緒中葉管理白麟書院熱心教育操守廉介創修考棚續輯邑乘俱與其事居恒教授不計修脯以敦品勵學獎勸後生門下得列膠庠者甚衆事父母以孝聞友于情篤終身同居無閒言里中某欠錢百餘緡貧弗能償欲賣地作抵裕方聞之急返其券不受其地與人處無怠容交友重規勸故時有道行之稱

孫清峯字廉泉性嗜讀工書法教授諸生循循善誘在甯津設教有啞生二名從學俱克成立並著有振聾集現失傳李樹芳字椒珊幼穎慧讀書能過目成誦九歲能屬文性凝

重簡默事親至孝清光緒丁酉以選拔貢成均領壬寅鄉
荐庚戌會考中式授度支部主事民國以來初任河南淇
縣知事愛惜民力以清廉著聞繼任山東蓬萊縣知事正
值軍事方殷催科功令綦嚴遇有攤派必詳陳民間疾苦
乞減免寧受過而不辭嘗曰際茲世亂使民間少出一文
錢即爲國家多培一分元氣若以聚斂邀功余實恥之治
蓬年餘政必躬親以勞瘁卒於任所芳賦性淡泊酷嗜讀
於古詩文詞靡不研究入微工書法尤邃於史學著有般
陽覺公詩文集若干卷待梓子泰基朝陽大學經濟學士
弭惠溥字博泉清恩貢生邑庠生華甫之子也幼趨庭訓學

有淵源科舉停辦改入山東省立優級師範學校研究史
學頗具心得父歿哀毀盡禮事母彌殷率弟恩溥求學濟
南每屆日曜必詣弟所問所學視寒暖焉怡怡之情終身
如一日任勸學所長有年整飭學風改良私塾籌畫款項
井井有條歷充正誼掖縣各中校教員所至有聲著有中
西年表歷代大事年表均未梓行

郭篤禮字子敬宣統己酉科拔貢聰穎嗜學博通經史性和
易近人故人樂與之處對人外無臧否內有褒貶殆所謂
皮裏陽秋者歟其他懿行詳藝文志

列女

馬氏 清增生閻震妻乾隆乙酉舉人馬江之女也自幼天資明敏與胞弟戊辰進士毓林同受業於父工詩兼善丹青事舅姑以孝聞教子則督責極嚴口授指畫不遺餘力雖仿之歐母畫荻不是過也值家中落勤儉主持後居積稍裕遇貧困者週恤無吝色忠信素孚於人凡鄉里有鬥者氏一到即解不煩詞說以故鄉中無爭訟者數十年子翥鵬甲辰科進士翰林院庶吉士固賴教育之良亦實至德之所積也卒年九十一歲

趙氏 張樹堂妻年二十五歲夫亡孝事翁姑撫養幼弟及幼子均能成立勤於紡織苦節堅貞年八十六歲而卒光緒十七年經巡撫福旌表曰鶴白松青

明氏 郭英傑妻年二十八歲夫歿守節終身山東巡撫福曾以松筠並茂四字獎之

藺氏 邑庠生閻澤履妻年二十八歲夫歿身無所出以孫純仁爲嗣時家境中落賴氏躬親紡織勤儉持家日漸饒裕卒年八十六歲曾孫衆多五世同堂鄉里稱之光緒十九年經凌邑侯詳請旌表

郭氏 信秋榮妻年二十九歲夫亡家貧僅種塋地二畝撫養三歲幼子父母欲奪其志自誓苦守卒年八十四歲

李氏 趙雲德妻光緒二十年入祀節孝祠

馬氏 李萬香妻年二十六歲夫歿矢志靡他光緒庚辰年
里人送有志堅冰霜匾以旌其門

史氏 周思有妻年二十九歲夫歿一世貞節里人無間言
光緒二十三年鄉里送匾以光其門

史氏 張文華妻年十九歲夫歿堅持苦節侍奉翁姑素以
孝聞光緒二十七年表揚匾額題詞爲潔比冰霜

姜氏 厚大謀妻持身勤儉恤老憐貧待子女以嚴遇羣下
以寬己不欲者勿施於人主持內政克盡其道德孝並著
鄉里稱之

趙氏 徐典一妻年二十六歲夫亡苦守貞節孝事翁姑義
方訓子其子存陽得入膠庠邑令旌賜匾額竹節松操壽
至七十歲

周氏 張文彩妻府庠生周曉堂之女孫也閨訓素嫻夫早
逝飲泣悲慟誓以死守事姑極恭謹怡色承歡無少懈教
子則督責維嚴即擬之柳母和丸歐母畫荻亦不爲過歿
年六十七歲是年春戚族欲以節孝聞氏辭曰夫死守節
義之當然事親教子亦分內事耳何敢以孀苦小節上邀
國家寵命議遂寢後邑貢生李寬達爲之傳鐫石以誌於
墓子庭荃清邑庠生

王氏 馬文彬妻年三十歲夫亡子幼教以義方事姑惟孝

鄉里稱之卒年八十有三邑令范鎧旌賜匾額曰節操凜然

王氏 王紹成妻年十九歲夫歿自矢守節侍奉翁姑克盡孝道鄉里稱之

孟氏 郭儒重妻年二十三歲夫歿無出母兄欲逼其再醮因此不入母家者十數年孝事舅姑教養孤姪鄰里賢之家道小康又善正骨術男女有挫折筋骨者求醫多得愈卒年八十六歲

郭氏 劉法寬妻年二十一歲夫歿守節終身

王氏 陶振嶺妻年二十七歲夫歿守節三十四年

德平縣志

卷六

人物

一七

天成謙記南紙店代印
濟南城內芙蓉街路西

王氏 增生李振鏞妻年二十六歲夫亡孝事翁姑和睦妯娌持家勤儉教子義方子傳薪孫家彙均入縣庠孫五人俱成立一門孝友鄉里稱之光緒十七年經巡撫福發給印牌曰節孝兼全壽至八十一歲

殷氏 徐典故妻年二十六歲夫因擊捻匪身歿柏舟自誓以節孝著聞鄉里贈有節孝流芳匾聯表示欽慕嗣子存瑞庠生

王氏 談化堂妻年三十歲夫歿孝事翁姑慈育孤子民國九年居鄰被匪搶掠其子殿勳憤不顧身與匪酣戰卒以器械不敵被匪斃命遺媳劉氏年十九歲僅遺孤女矢志

守節紡織度日雙節同貞鄉里稱贊

周氏 陳雲峯妻年二十二歲夫亡訓育子姪姪少孤先爲
娶妻凡食物衣服先姪後子人多稱之守節終身

朱氏 郭希英妻年十九歲夫亡守節終身

趙氏 鄭九海妻年二十二歲夫歿侍奉舅姑以孝聞鄰里
贈以竹節松操匾額卒年八十五歲

鄧氏 化家樓莊張姓婦也年二十歲盜匪攻入母家李四
川莊氏被擄行經王家橋莊投井而死

孟氏 奉祀生員孟昭玖子憲宗之女也乳名台妮年十六
歲性慷慨已許字小王家莊王貴之民國十四年十二月

二十日土匪入村放火燒殺鎗彈如雨男女被鎗傷死者
一百二十餘名女父憲宗與焉女聞父死飲淚吞聲數匪
欲犯之女堅拒不應繼之以罵匪怒強抱馬上而去女益
痛罵至本村關帝廟前橋上伺匪防範稍疏急跳橋下甯
死不從匪開鎗女中彈而死

劉氏 李連起妻年二十八歲夫亡撫訓孤子登寬成人與
妯娌共謀紡織辦理家事同居雍和四十餘年壽至七十
八歲

朱氏 李溫妻年二十三歲夫亡遺三子均幼教養成人家
境豐裕親友鄉里贈匾云志潔冰壺

崔氏 徐典型妻素慈善持家勤儉訓子正嚴子存瑞二十歲遊庠民國被選爲縣議會上級議員孫彥仲十六歲從戎充聯軍全軍糧餉局第四科科长鄉里羨其教子有方年八十餘耳目聰明縫紉尙能自給作諸孫媳範卒年九十四歲

宮氏 呂式賢妻年二十四歲夫歿守節事姑至孝荆布安貧里人稱贊壽七十七歲

王氏 李永年妻夫歿遺子二長讀次幼勤儉持家對於延師課子不惜資財族黨閭里咸稱其賢公議爲請旌表以發潛德氏堅辭不允曰余之茹苦任勞治家教子不過完

德平縣志

卷六

人物

一九

天成謙記南紙店代印
濟南城內芙蓉街路西

亡夫之志瞑亡夫之目耳有何德能可以旌表事遂中止
卒年八十四歲

單氏 陳文升妻年二十六歲夫亡紡織度日艱苦備嘗守節終身

王氏 郭振耀妻年三十二歲夫亡立志守節撫一子成立繼至五世同堂鄉里公送匾額節壽並高年九十四歲卒
信氏 黃樂垣妻年二十五歲夫亡立志守節歷五十年如一日年七十一歲卒

郭氏 靳時法妻年二十二歲夫亡立志守節事姑至孝以姪爲嗣訓子治家井井有條鄉里多取爲模範壽至八十

二歲

吳氏 劉玉亭妻年二十一歲夫歿矢志無他四十餘年鄰里稱之公送節孝匾以旌其門

葛氏 陳澤宏妻年十九歲夫亡守節終身

張氏 郭其銀妻年十八歲夫歿謹事太祖姑朱氏能得歡心朱氏年老得迷症便溺不知氏晝夜侍奉無少懈衣不解帶者數年鄉里咸以孝婦稱之

蘇氏 李三忠妻年二十一歲守節家境貧寒紡織度日晝夜不息曾孫衆多五世同堂鄉里稱之卒年八十九歲

盛氏 石際安妻年二十六歲夫歿幾不欲生孝翁姑撫孤

德平縣志

卷六

人物

二

天成謙記南紙店代印
濟南城內芙蓉街路西

兒矢志守節卒年八十五歲

傅氏 藺化邦妻年二十八歲守節紡織自給訓子有方得年九十七歲媳周氏以事姑孝聞於鄉里得年七十八歲

魯龍

氏 邑東之大楊家莊人妯娌同少寡均事姑以孝聞魯無出龍以己子繼嫂後鄉里送有匾額曰雙節同貞

石氏 李中行妻年二十歲夫歿家產微薄每以紡織供子讀書後果成名鄉里送有孟母遺風匾額

韓氏 張化南妻年二十歲夫歿守節四十餘年事姑教子終身不怠里人稱之

孫氏 翟菊山妻自十七歲於歸夫患癩疾晨夕侍奉不嫌

污穢十載無情容常曰事夫孝親分內事也夫歿氏年二十九歲事舅姑以孝聞鄉里無異言

趙氏 翟鵬山妻年二十五歲夫亡無子僅遺一女薄田數畝矢志靡他并曰自強勤於紡織孝事伯母苦節終身

楊氏 李長海妻年二十八歲夫歿鄰里公送節孝匾額

孫氏 藺云福妻年二十二歲夫歿貞節自持卒年九十九歲

魯氏 張煥炳妻夫早歿勤儉持家居積寢豐遇貧困周恤無吝色訓誨幼子又能因材施教善教各有專業子四存靜存惠存謙存範皆秉承母教克展所長家口增至數十人同

德平縣志

卷六 人物

一一

天成謙記南紙店代印
濟南城內芙蓉街路西

居共炊分工合作歷四十餘年各無間言家法之善一方鮮及卒年八十三歲

于氏 李大功妻年三十歲夫歿事親以孝教子勤儉守節終身

朱氏 李大海妻年二十四歲夫亡教養二子金廷金榮成人

宋氏 金文明妻年二十二歲夫亡孝事翁姑教子成名守節終身

周氏 金文訓妻年二十三歲夫亡紡織爲生守節終身
單氏 趙桂雲妻年二十八歲夫亡守節終身

靳氏 庠生郭福全妻年二十四歲夫歿守節終身

趙氏 曹邦龍妻年二十六歲夫歿即以婦兼子職孝事舅
姑艱苦備嘗冰操益勵子大鵬秉承教誨亦以孝聞孫克
泰畢業山東美術專門現在日本留學卒年八十有七苦
節歷六十一年鄉里莫不稱頌

明氏 王振河妻年二十五歲夫歿矢志守節其父恐其青
年有始無終爲議他適氏聞知服毒而死

蔣氏 戚廷弼妻年二十七歲夫亡終身勤苦教子孫俱能
成立八十七歲卒

吳氏 季殿純妻年二十八歲夫歿矢志守節克盡婦道翁
臥病十年侍奉不懈孝行可嘉

厚氏 姜德堂妻年二十三歲夫歿守志撫孤紡織自給事
繼姑尤盡孝道先意承志卒年六十一歲

楊氏 劉善友妻年二十二歲夫亡苦節自守孝事翁姑和
睦妯娌嗣子娶妻亦早亡媳王氏庠生王華堂之女年十
八歲與姑並守苦節艱苦備至紡織度日五十餘年故鄉
人贈以雙節匾額

盛氏 爲鄧姓之媳年二十四歲夫歿無出矢志孀居勤苦
自守教養諸弟俱能自立現年六十五歲

陶氏 刁全泰繼室年二十九歲夫亡守節四十餘年現已

九十二歲

李氏 石太卿妻年三十二歲夫亡自矢守節現已九十歲

劉氏 高昌庚妻事父恭謹夫歿年未三十操理家政井井有條身無所出立志守貞年今八十有八體尚健康

謝氏 于登雲妻年二十四歲夫歿當時痛不欲生翁姑言曰汝夫物故於孝有虧汝可守節盡孝籍贖夫愆氏乃敬聽訓誨矢志守節日炊夜紡得親歡心視繼子如己出孝慈並施今已八十有四歲里人莫不稱頌

楊氏 李長海妻年二十八歲夫歿立志守節現年八十餘歲

德平縣志

卷六

人物

一三三

天成謙記南紙店代印
濟南城內芙蓉街路西

王氏 郭廷麟妻年二十五歲夫歿無出勤儉孝敬嗣子亦早亡遺媳孟氏同撫二孫克成家業鄰里皆以節孝稱之現已八十一歲

高氏 候法詩妻年二十歲夫歿守節現年八十一歲

王氏 孫澤興妻年二十五歲夫亡立志守節現已八十一歲猶健康如壯年

李氏 陳明哲妻年二十八歲夫亡苦守貞節現年七十三歲

劉氏 郭守家繼室年二十八歲夫歿矢志苦守遺孤子培厚撫養教訓成家立業鄉里稱之現已七十二歲

譚氏 逮寶和妻年二十六歲夫歿守志撫孤勤儉孝敬人無間言鄉里特贈竹節松操匾額

劉氏 段明善妻年二十一歲夫歿守節現年七十二歲
賈氏 王文堂義子王剛之妻年二十四歲夫歿苦志守節尚儉樸勤紡織事姑至孝家庭雍睦歷四十年如一日時年六十九歲

王氏 朱延臣妻年二十七歲夫歿守貞事繼姑如生母待姪輩如己出家庭之間生平無慍色現已六十六歲

譚氏 孟昭源妻年二十六歲夫歿事姑至孝堅苦自持僅有孤女撫育度日姪輩見之無不起敬現已六十四歲

德平縣志

卷六

人物

一四

天成謙記南紙店代印
濟南城內芙蓉街路西

周氏 張文彬妻年二十一歲夫亡守節四十餘年

王氏 范文遠妻年十七歲夫歿矢志守節事翁至孝視姪如子持家勤儉紡織樸素鄉里贊仰時年六十一歲

曹氏 徐文富妻年二十四歲夫亡守節勤苦耐勞歷三十年如一日今已五十六歲

陳氏 高人玉妻年二十歲夫歿性貞節知大義事姑至孝終其身家庭無間言訓嗣子以德讓可為善良風俗之表率方之柏舟洵稱無愧現年五十五歲

姜氏 厚榮錦妻年二十四歲夫歿親老子幼立志守節現已四十一年

郝氏 聶殿西妻年二十歲夫歿守節扶幼子成立以延宗
祀現已四十年

王氏 聶世公妻年二十五歲夫歿立志守節教子成立現
已三十九年

王氏 厚昌盛妻年二十八歲夫歿守節三十七年人多稱
之

孔氏 任興才妻年二十一歲夫歿無出矢志守節現已三
十六年

曹氏 肖武耀妻年十八歲夫歿守節事翁姑以孝頗得歡
心里人稱之現已三十五年

德平縣志

卷六

人物

一五

天成謙記南紙店代印
濟南城內芙蓉街路西

馬氏 武法金妻年二十五歲夫歿守節義方教子里人稱
之現已三十三年

王氏 厚榮翥妻二十七歲夫歿孝親慈幼守節三十三年
鄉里稱之

楊氏 石紹孔妻夫歿守節紡織爲生已逾三十餘年

高氏 劉安靜繼室年三十四歲夫歿矢志苦守撫養幼子
傳授入學成名今已三十二年

姜氏 黃傳新妻年十八歲夫歿家境極貧守節教子現已
三十二年

太氏 孟廣雨妻年二十五歲夫歿無出家道貧寒守節自

矢現已三十一年

朱氏 王兆義妻年二十三歲夫歿子一纔二月遺產畝餘鄰人欲奪其志氏冰清玉潔矢志靡他勤於紡織子長務農商自置田二十畝頗有儲蓄鄉里重之

張氏 郭德祿妻年二十三歲夫亡矢志堅貞懿德昭著民國六年由周邑候轉呈黎大總統獎給徽章頒賜匾額四字節勵冰霜其事實詳於節孝旌表序中見藝文

朱氏 劉天泉妻夫病癆瘵日需藥餌氏竭誠扶持湯藥必親試溫涼至二十四歲孀居願以柏舟自誓迄今年五十四歲奉侍翁姑定省無缺當民國十四年其翁鳳和被匪搶架并對其姑閻氏施以毒打氏一身捍禦代受苦楚姑得無恙而氏懇求親族願傾家產贖回其翁鳳和甘受貧窮食藜藿而無怨鄉里稱之

景氏 閻汝爽妻于歸後甫週月夫病故翁姑念其年少憶必改適而氏自誓甘心守節伊父不知女志欲奪而嫁之不商其女而私受人聘該氏對父盟誓不登娘門孝事雙親和睦妯娌四十九歲身亡

單氏 劉華峯妻夫患癩症往往陷于廁內有時亦陷于井中氏爲除臭穢換淨衣百方調理毫無倦容其姑母王氏因長子瘋癩次子夭殤痛失雙目出入行動在在須人扶

持氏年二十三歲夫亡家道寒仄有勸其改適者而氏憐姑無依恐受凍餓矢志靡他爰賣妝奩以供甘旨隣里稱其孝焉

高氏 劉士魁妻年二十三歲夫亡青年矢志白首堅貞日惟孝侍翁姑勤勞家務鄉里稱之壽九十四歲

李氏 陳萬壽妻性行端淑事父至孝年十八于歸值捻匪之亂遵父命携繩剪隨夫家逃亡後被匪群衝散懼難自全因投井殉焉迨亂平氏父法有往探不見謂女必死矣旋果於僻井中尋得之腰繫繩剪面目如生殞身全節鄉里景仰弗置

盛氏 石際安妻節孝兼全清光緒十九年七月蒙山東巡撫福獎給印牌彙案題請旌表